

SVEIO KONTROLL- OG KVALITETSUTVAL

PROTOKOLL

Måndag **22. november 2021** blei det halde møte i Sveio kontroll- og kvalitetsutval under leiing av utvalsleiar Ole Ørjan Hov.

MØTESTAD:	Kommunestyresalen, Sveio kommunehus
MØTESTART/ -SLUTT:	kl.17.00 – kl. 18.30
MØTANDE MEDLEMMER:	Ole Ørjan Hov (MDG), Arne Valen (Sp), Solfrid Aasen (Sp) og Gustav Eidsvåg (Frp)
MØTANDE VARAMEDLEM:	Per S. Wathne (Krf)
FORFALL:	Marit Elise Lier (Ap)
FRÅ SEKRETARIATET:	Dagleg leiar/utvalssekretær Toril Hallsjø, Haugaland Kontrollutvalgssekretariat IKS
FRÅ ROGALAND REVISJON IKS:	Oppdragsansvarleg revisor Tore Kristensen via Teams
FRÅ ADMINISTRASJONEN:	Rådmann Jostein Førre Rektor Lene Lier i sak 23/21
ANDRE SOM MØTTE:	Ordførar Linn Therese Erve (Ap)
MERKNADER TIL INNKALLING OG SAKSLISTE:	Ingen

FØLGJANDE SAKER BLEI HANDSAMA:

SAK 22/21 GODKJENNING AV PROTOKOLL FRÅ MØTET 27.09.21

Sekretariatet si innstilling:

Protokoll frå møtet i Sveio kontroll- og kvalitetsutval 27.09.21 blir godkjent slik han ligg føre.

Handsaming i kontroll- og kvalitetsutvalet 22.11.21:

Utvalet hadde ingen merknader protokollen.

Samrøystes vedtak i kontroll- og kvalitetsutvalet 22.11.21:

Protokoll frå møtet i Sveio kontroll- og kvalitetsutval 27.09.21 blir godkjent slik han ligg føre.

SAK 23/21 ORIENTERING FRÅ ADMINISTRASJONEN - REKTOR V/SVEIO BARNE- OG UNGDOMSSKULE

Sekretariatet si innstilling:

Sveio kontroll- og kvalitetsutval tek rektor Lene Lier ved Sveio skule si utgreiing om hennar arbeids- og ansvarsområde til orientering.

Handsaming i kontroll- og kvalitetsutvalet 22.11.21:

Rektor Lene Lier presenterte seg. Ho hadde vore rektor frå 1. september og hadde før vore undervisningsinspektør ved skulen i 5 år.

Skulen har 512 elevar. Dei er 82 tilsette, fordelt på 70 årsverk. Frå nyttår vil dei bli delt inn i tre ansvarsområde: barneskulen (289), ungdomsskulen (223) og SFO (60 born, som er ei god auke frå i haust). Ho viste organisasjonskart og uttrykte at ho var nøgd med organiseringa med mellom anna fem teamleiarar. Ho har møter kvar 14. dag med dei tillitsvalde (3 org.) kor arbeids- og inspeksjonsplaner og arbeidstid vert drøfta. Skulen har til vanleg to verneombod.

Prioriterte satsingsområda var a) språk, lesing og skriving, b) inkluderande barnehage- og skulemiljø, c) overgangen mellom barnehage og skule og d) innføring av nytt læreplanverk, fagfornyinga LK 20.

Det hadde vore ein slitsam og krevjande periode med pandemi, då ein ikkje hadde fått jobba så mykje saman. Arbeidet med modulkart skal vere ferdig til jul. Ho viste budsjett- og rekneskapstal for pr. i dag. Tala viste at det ville bli eit meirforbruk pga. auka utgifter til straum, forsikring og fleire enkeltsaker som kravde meir ekstraordinære ressursar enn det ein hadde venta.

Resultata frå dei nasjonale prøvane hadde vore gode og øve landssnitt. På 9. trinn dei siste åra. Sveio har lite fråfall frå vidaregåande. Elevundersøking viste låge tall om mobbing. Ein klasse skilte seg ut og det blei her sett inn tiltak. Skulen har eigen politikontakt som jobbar førebyggjande.

Av utfordringar trakk ho fram mellom anna psykisk helse, åtferdsproblem, sosiale mediar, omdømme til skule og rekruttering av lærarar. For framtida blei dette med tidleg innsats, organiseringa av spesialtiltak, betre foreldresamarbeid og informasjonsflyt i organisasjonen nemnd.

Utvalet hadde spørsmål og kommentarar knytte til samarbeid tillitsvalde og verneombod, elevar med mykje fråvær, om skolen sine ressursar og om dei nye skulelokala.

Leiar takka rektor for ein god orientering.

Samrøystes vedtak i kontroll- og kvalitetsutvalet 22.11.21:

Sveio kontroll- og kvalitetsutval tek rektor Lene Lier ved Sveio skule si utgreiing om hennar arbeids- og ansvarsområde til orientering.

SAK 24/21 OPPFØLGING AV FORVALTNINGSREVISJON OM FORUM FOR OPPVEKST I SUNNHORDLAND

Sekretariatet si innstilling:

Sveio kommunestyre tar rådmannen si tilbakemelding om arbeidet med oppfølging av KPMG sin rapport «Forum for oppvekst i Sunnhordland (FOS)» til orientering.

Handsaming i kontroll- og kvalitetsutvalet 22.11.21:

Utvalsleiar innleia. Etter hans syn hadde rådmannen gjeve ei god tilbakemelding der tilrådingane var følgt opp. Saka kunne dermed bli vidaresendt til kommunestyret.

Etter spørsmål om ny koordinator for forumet opplyste rådmannen at stillinga ville bli lyst ut på ny då vedkommande no har sagt opp.

Utvalet slutta seg til innstillinga.

Samrøystes vedtak i kontroll- og kvalitetsutvalet 22.11.21 og innstilling til kommunestyret:

Sveio kommunestyre tar rådmannen si tilbakemelding om arbeidet med oppfølging av KPMG sin rapport «Forum for oppvekst i Sunnhordland (FOS)» til orientering.

SAK 25/21 INVITASJON TIL FELLES FORVALTNINGSREVISJON – KARMSUND HAVN IKS OG EIGARFORHOLDET TIL KOMMUNALE HAVNER OG KAIANLEGG

Sekretariatet si innstilling:

Alternativ A

Sveio kontroll- og kvalitetsutval ønskjer ikkje delta i ein felles forvaltningsrevisjon om Karmsund Havn IKS og eigarforholdet til kommunale hamner og kaianlegg basert på prosjektmandat frå Rogaland Revisjon IKS.

Sveio kontroll- og kvalitetsutval meiner

Alternativ B

Sveio kontroll- og kvalitetsutval deltar i ein felles forvaltningsrevisjon om Karmsund Havn IKS og eigarforholdet til kommunale hamner og kaianlegg med utgangspunkt i utkast til prosjektmandat som ligg føre frå Rogaland Revisjon IKS.

Ramma for prosjektet vert sett til inntil 400 timar. Eigarkommunar som ønskjer å delta i forvaltningsrevisjonen betaler etter si prosentvise eigardel, som for Sveio blir 15 timar.

Sveio kontroll- og kvalitetsutval har følgjande innspel/tillegg

Handsaming i kontrollutvalet 22.11.21:

Utvalsleiar innleia. Han meinte Sveio burde takka nei, og gjorde framlegg om alternativ A. Han viste til gjennomført selskapskontroll i 2018 og Haugesund sin eigarskapskontroll våren 2021.

Rådmannen opplyste at den einaste kaien KH disponerer er bygdekaien i Førde. Når det gjaldt oversyn over andre kommunale kaier viste han til nyleg sak om kommunale eigedommar. Ordførar forklarte skilnad mellom styret og hamneråd. Ho viste til at IKSet er ei stor kommersiell verksemd, men at det i eigarmøte er gjeve signal om at det er ønskje at selskapet også skal ha noko fokus på reiselivssatsing.

Utvalet støtta utvalsleiar sitt framlegg. Utvalet meinte det ikkje var trong for tilbakemelding frå rådmannen, slik Haugesund og Bokn hadde gjort vedtak om, og at siste setning kunne bli stroke.

Samrøystes vedtak i kontrollutvalet 22.11.21:

Sveio kontroll- og kvalitetsutval ønskjer ikkje delta i ein felles forvaltningsrevisjon om Karmsund Havn IKS og eigarforholdet til kommunale hamner og kaianlegg basert på prosjektmandat frå Rogaland Revisjon IKS.

SAK 26/21 VAL AV NYTT FORVALTNINGSREVISJONSPROSJEKT ELLER EIGARSKAPSKONTROLL I 2022

Sekretariatet si innstilling:

Sveio kontroll- og kvalitetsutval ber Rogaland Revisjon om å legge fram utkast til prosjektmandat på forvaltningsrevisjonsprosjekt om til neste møte på nyåret 2022. Utvalet har følgjande innspel til tema/problemstillingar:

Handsaming i kontroll- og kvalitetsutvalet 22.11.21:

Utvalsleiar innleia. Han ville, på bakgrunn av at kommunestyret hadde flytta teamet planarbeid inn på den prioriterte lista, gjere framlegg om at utvalet valte dette som eit prosjekt.

Utvalet støtta framlegget og meinte det var viktig å få ein vurdering av om koss kommunen handterer planarbeidet.

Revisor lova å komme tilbake med eit prosjektmandat til neste møte.

Samrøystes vedtak i kontroll- og kvalitetsutvalet 22.11.21:

Sveio kontroll- og kvalitetsutval ber Rogaland Revisjon om å legge fram utkast til prosjektmandat på forvaltningsrevisjonsprosjekt om kommunen sitt planarbeid til neste møte på nyåret 2022.

SAK 27/21 MØTEPLAN FOR 2022 – KONTROLL- OG KVALITETSUTVALET

Sekretariatet si innstilling:

Sveio kontroll- og kvalitetsutval vedtar følgjande møteplan for 2022:

måndag 14. februar, 9. mai, 20. juni, 19. september og 21. november.

Møtestart kl. 17.00 med unntak av 19. september kor møtestart blir kl. 19.00.

Utvalssekretær kan i samråd med leiar endre møtedato når det er naudsynt.

Handsaming i kontroll- og kvalitetsutvalet 22.11.21:

Medlemmene Aasen og Eidsvåg opplyste at dei ville måtte melde forfall til februar møtet. Utvalsleiar ønskte at dei var med på drøftinga av prosjektmandatet til nytt prosjekt. Utvalet og sekretær blei samde om å flytte møtet fram til 31. januar. Utvalet slutta seg elles til framlegget slik det var lagd fram.

Samrøystes vedtak i kontroll- og kvalitetsutvalet 22.11.21:

Sveio kontroll- og kvalitetsutval vedtar følgjande møteplan for 2022:

måndag 31. januar, 9. mai, 20. juni, 19. september og 21. november.

Møtestart kl. 17.00 med unnatak av 19. september kor møtestart blir kl. 19.00.

Utvalssekretær kan i samråd med leiar endre møtedato når det er naudsynt.

SAK 28/21 REFERAT- OG ORIENTERINGSSAKER 22.11.21

30. Statusoversyn pr. november 2021
31. KST-vedtak 01.11.21, sak 83/21 – Forvalt. rapport «Tilpassa opplæring og spes. undervisn.»
32. Mobbeombodet i Vestland – årsmelding for barnehage – og skuleåret 2020-2021
33. FKT- medlemsinformasjon september 2021
34. Samarbeidsrådet for Sunnhordland – referat frå ekstr. ord. repr. skapsmøte 04.10.21
35. Karmsund Havn IKS – innkalling til møte i hamnerådet 09.11.21
36. Haugaland Brann og redning IKS – innkalling til representantskapsmøte 12.11.21
37. Haugaland Vekst IKS – innkalling til representantskapsmøte 10.12.21
38. Invitasjon – Konferanse for kontrollutvala i Rogaland 02.12.21 i Sandnes
39. Invitasjon – NKRF si Kontrollutvalskonferanse 02-03.02.22 på Gardermoen
40. Invitasjon til folkevaldopplæring for kontrollutval i tidl. Hordaland 15.02- 16.02.22

Handsaming i kontroll- og kvalitetsutvalet 22.11.21:

Sekretær gjorde greie for status og saker.

Utvalet var oppteken av at årsmeldinga frå Mobbeombodet blei gjort kjent. Rådmannen støtta det og meldinga vil bli lagd fram for andre utval. Ordførar supplerte om hamneråd og brann og redning.

Til Sandneskonferansen var Arne Valen påmeldt. Per Watne meldte seg også, og sekretær ettermelder han. Nestleiar var også påmeldt til opplæringa i regi av Vestlandsekretariatet. Ingen hadde høve til å delta på NKRF-konferansen.

Utvalet hadde elles ingen merknader til referatsakene.

Samrøystes vedtak i kontroll- og kvalitetsutvalet 22.11.21:

Sveio kontroll- og kvalitetsutval tar referatsakene nr 30 – 40 i møtet 22.11.21 til orientering.

YMSE

Andre saker var ikkje meldt eller tatt opp.

Neste møte

Etter vedtatt møteplan er neste møtedato måndag **31. januar**.

Saker: orientering v/Haugaland Brann og redning IKS, prosjektmandat for nytt forvaltnings-revisjonsprosjekt om kommunens planarbeid og utvalet si årsmelding for 2021.

Sveio/Aksdal, 22. november 2021

Ole-Ørjan Hov
Kontroll- og kvalitetsutvalsleiar

Toril Hallsjø
Utvallssekretær